

興縣志

160.161
24
13

卷之十二

典禮

卷之十三

祠祀

卷之十四

人物

秋

興縣志卷之十二

典禮

學者望古遙集輒謂三代典禮湮沒不可復此與以耳食何異夫禮千古不易殷因夏周因殷其繼周者百世可知今試按六房之文籍稽官守之所行其朝賀燕享之儀飲社讀法憲老乞言之典澤宮賓興適人木鐸之制三代聖王治天下之良法美意莫不備具記曰文武之政布在方冊其人存則其政舉今

聖君賢相作睹於上但使守土得人政本於教教本於德則法以人行周官周禮直舉而措之移風易俗何難焉志典禮

慶賀禮

凡冬至元旦

聖誕皆先期一日習儀至期五鼓知縣率寮屬公服赴壽聖寺行三跪九叩首禮畢赴龍案前讀表文復位行三跪九叩首禮

迎接

詔赦禮

凡有



詔赦至具龍亭鹵簿鼓樂出東郭迎接朝使至下馬
捧

詔書置龍亭中南向朝使東向立衆官北向行禮畢
鼓樂前導至衙門外衆官先入序立候龍亭至
公廳中分班行禮開

詔宣讀復置龍亭行禮畢乃易服見朝使遂頒發於
城邑都鄉

上任禮

縣官上任先期一日齋宿於城隍廟上任之日
祭城隍畢詣本衙門具公服行謝

興縣志

卷之十二

典禮

二

恩禮畢入內宅行祭竈禮出堂行參見禮畢乃諭寮
屬乃署公牒乃見官屬父老

迎春禮

舊俗票催各行戶結綵辦故事典史不時點閱
謂之點春至期以各色人導芒神春牛至縣堂
迭三周事鄙俚且擾民今皆禁革如常儀先立
春一日縣官率寮屬禮生迎於東郊導芒神春
牛至縣堂次日按立春時刻具公服禮芒神
春牛禮畢分送春牛芒神於紳衿

救日禮

凡遇日食縣官率寮屬常服於堂伐鼓俟復圓具朝服行禮月食亦如之

雩禱禮

凡遇水旱縣官率寮屬詣各壇廟行香停刑素食齋宿禁止屠沽

鄉飲酒禮

每歲春秋二季鄉飲各一次先期合學公舉紳衿年高有德行者爲賓縣民年高有德行者爲耆縣官擇日送啓教官分派生員執事至日賓耆至

東通

主巡賓於庠門之外

西通

分班班齊

興縣志

卷之十二

典禮

三

東通

揖平身賓主初讓請入庠門之內揖平身

賓主再讓請升階揖平身賓主三讓請升堂賓

主交拜

東通

鞠躬拜興四平身序賓耆序賓序

耆耆序耆序主耆序主序司正司副寮屬耆各就位賓主以下皆坐揚觶賓主以下皆起

東引

詣揚觶位揖平身斟酒飲酒揚觶揖平身復位

東通

賓主以下皆坐鳴鐘鼓供講案講讀律誥

東引

講讀生員詣講案前揖平身讀大誥讀大

清律讀五倫書讀爲善陰隲讀孝順事實揖平

身復位

東通

撤講案主獻賓酒賓主以下皆起

東引 詣賓位前揖平身主獻賓酒揖平身賓飲

主酒揖平身復位 東通 賓主以下皆坐主獻者

酒賓主以下皆起 東引 詣者位前揖平身主獻

者酒揖平身者飲主酒揖平身復位 東通 賓主

以下皆坐賓酬主酒賓主以下皆起 東引 詣主

位前揖平身賓酬主酒揖平身主飲賓酒揖平

身復位 東通 賓主以下皆坐者酬主酒賓主以

下皆起 東引 詣主位前揖平身者酬主酒揖平

身主飲者酒揖平身復位 東通 賓主以下皆坐

歌詩 東引 歌詩者詣歌詩位揖平身歌詩歌廳

興縣志

卷之十二

典禮

四

鳴之首章揖平身復位 東通 斟酒進饌請酒撤

饌 西通 謝恩 東引 詣謝恩位 西通 排班班齊 東

通 跪叩首再叩首三叩首興跪叩首再叩首三

叩首興跪叩首再叩首三叩首興賓主交拜 西

通 分班班齊 東通 鞠躬拜興四平身 西通 主送

賓於庠門之外揖平身賓不顧矣

送學禮

凡童生入學後擇日送學至期縣官陞堂新進

生員使服行跪拜禮畢換襟衫簪花披紅復行

兩跪兩揖禮畢新進當堂乘馬出儀門至文廟

謁廟行四拜禮縣官至明倫堂與學官揖畢讓
學官在東縣官在西行四拜禮畢後讓縣官在
東學官在西還四拜禮新進拜學官及齋長禮
畢

賓興禮

凡生員科試考居一等二等三等前三名者縣
官擇日行賓興禮先期具帖至日生員齊集賓
賓館縣官穿公服延入與學官當堂揖就坐生
員各揖就坐典史安席宴畢生員各簪花披紅
跳龍門騎馬出儀門放砲典史學官導引縣官

興縣志

卷之十二

典禮

五

隨後至登仙樓

在東關

生員先登酒三巡報馬三

報捷從樓後下起身送至杏花館

在東郊

酒三巡

禮畢絲旗二桿牌坊一座鼓樂導引各生員歸

耕藉禮

雍正四年奉

旨各省州縣皆耕藉田雍正七年部頒耕藉儀注擇
東郊地方潔淨豐腴者四畝九分爲藉田後建
立先農壇正殿三間東西配房各一間壇高
二尺一寸寬二丈五尺神牌高二尺四寸寬六
寸座高五寸寬九寸五分紅牌金字填寫祭品

羊一豕一帛一劔一邊四豆四簋二簋二前期
致齋二日祭日主祭官及各官俱朝服齊集致
祭一切禮儀俱照社稷壇之例祭畢各官換
蟒袍補服正印官秉耒佐二官抱箱播種農具
用赤色牛用黑色箱用青色耆老一人牽牛農
夫二人扶犁九推九返農夫終畝耕畢各官率
耆老農夫望

闕行三跪九叩頭禮

講鄉約禮

擇里民之年高品端者爲鄉約長城內及四關
興縣志

卷之十二

典禮

六

四路各立約長一人約副一人各擇一潔淨寬
廠寺廟爲鄉約所每月朔望爲講期至期知縣
率屬官及生員里民人等齊集約所聽講知縣
出堂鄉約四人搖木鐸高聲唱爾俸爾祿民膏
民脂下民易虐上蒼難欺知縣出衙木鐸四人
沿途唱孝順父母恭敬長上和睦鄉里教訓子
弟各安生理無作非爲至約所縣官率各色人
等望

聖諭香案行三跪九叩頭禮禮畢擇生員之善講者
講

聖諭各條

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尚節儉以惜財用

隆學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非爲

息誣告以全善良

誠高逃以免株連

完錢糧以省催科

聯保甲以弭盜賊

解仇忿以重身命

